

SCHOENI WIEHNACHT

(Hallelujah)

Wie jedes Jahr 11 Mönnet lang
Fröie sech aui mitenang
Uf die schönschti Zyt im Jahr;
dasch dr Dezämber.
Mir guetzle, bache, singe, lache
Baschtle luter schöni Sache
U fröie üs ufne friedlechi schöni
Wiehnacht.

Schöni Wiehnacht
Schöni Wiehnacht
Fröhlechi Wiehnacht
Schöni Wieh- - -nacht

Dr Samichlous im töife Waud
Fuehrt z grosse Buech u füllts de
baud
Über aui steit dert sicher öppis
drinne.
Die liebe, fräche, brave Ching:
Dr Samichlous gsehts u ghörts
ging
U aune bringt är gliich e frohi
Wiehnacht.

Refrain
Fröhlechi Wiehnacht
Fröhlechi Wiehnacht
E schöni Wiehnacht
Schöni Wieh- - -nacht

Är packt mit Liebi und mit Stouz
Die Säckli u d Ruetene us Houz
Wo är de aune Ching vor Wäut
tuet bringe.
Mmh Schoggi, Nüssli, Mandarindli
Läbchueche und Spiuzüg chlini
Bringt är und wünscht üs aune
fröhliche Wiehnacht.

Refrain
Fröhlechi Wiehnacht
Fröhlechi Wiehnacht
Fröhliche Wiehnacht

Simu-musig.ch

Und schöni Wieh- - -nacht

Im Schnee macht är sich ufe Wäg
Dür Wäuder, Täler, übere Bärg
Mit Eseli und Schmutzli a sinere
Syte.

Vouer Liebi isch sis Härz
Für sini Ching kennt är ke
Schmärs
Am Härz ligt ihm für üs e frohi
Wiehnacht.

Refrain
Fröhlechi Wiehnacht
Fröhlechi Wiehnacht
Ig wünsch der fröhliche Wiehnacht
Und friedlechi Wieh- - -nacht

Am 6.12. ischs so wyt
U we dr Chlous dür d Türe tritt
Kennt d Fröid bi Gross u Chli bau
keni Gränze.
Mir vårsle, singe usem Buech
Für Di, das isch e schöne Bruuch
Wiu Du bringsch üs au Jahr e
fröhliche Wiehnacht.

Refrain
schöni Wiehnacht
schöni Wiehnacht
schöni Wiehnacht
schöni Wieh- - -nacht

Pumpelpitz „fiiret Wiehnachte“